



ALTERNATIV DEMOKRATESCH  
REFORMPARTEI

**Groupe parlementaire**

Här Fernand Etgen  
President vun der Deputéiertechamber  
19, um Krautmaart  
L-1728 Lëtzebuerg

Lëtzebuerg, de 24. Januar 2019

Här President,

esou wéi d'Chambersreglement et virgesäit, bieden ech lech, des parlamentaresch Fro un den Här Justizminister an un d'Madame Banneminister weiderzeleeden.

Bei de leschte Chamberswahle vum Oktober 2018 ass opgefall, dass d'Detenuen aus dem Prisong net mat wíele konnten. Eng ganz Rëtsch vun hinnen haten hier Convocatioun esouguer an de Prisong geschéckt kritt, mee et war näischt virgesinn, datt si am Prisong hätte kënne wíelen an et war och keen Transport virgesinn, fir si an ee Wahlbüro ze bréngen. Déi betrafte Léit haten och, esou wéi mir dat zougedroe gouf, keng Méiglechkeet, fir ee vote par correspondance unzufroen.

Bei den Europawale vum 26. Mee 2019 riskéiert dee selwechte Problem sech ze stellen, mee des Kéier an enger méi grousser Envergure, well d'Zuel vun deene potentielle Wieler jo méi grouss ass.

An deem Kontext wollt ech dem Här Justizminister an der Madame Banneminister dës Froe stellen:

1. Hunn déi zoustänneg Ministère scho Mesurë geholl fir deene betraffenen Detenuen ze erlaben, bei de kommenden Europawalen ze wíelen?
2. Wa jo, wei eng Mesurë sinn dat? Ass ee Wahllokal am Prisong virgesinn, respektiv, en Transport vun deene concernéierte Persounen an ee Walbüro an der Géigend?
3. Wéi vill vun den Detenuë si fir d'Chamberwalen, respektiv, d'Europawale walberechtegt?

Fernand Kartheiser  
Deputéierten